



Broj: 01-209/12
Vareš, 27.12. 2012. godine

Z A P I S N I K
s 2. sjednice Općinskog vijeća Vareš,
održane 29.11. 2012. godine

Zdravko Marošević – predsjedavajući Općinskog vijeća Vareš, otvorio je 2. sjednicu s početkom u 11,15 sati, u velikoj sali Općine Vareš.

Predsjedavajući OV izvijestio je prisutne da je na sastanku Kolegija OV, održanom 29.11.2012. godine, odmah nakon završetka 1. Konstituirajuće sjednice, Kolegij OV utvrdio dnevni red za 2. sjednicu Općinskog vijeća.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Zdravko Barkić, Dženana Bešić, Mahira Brkić, Tajiba Brkić, Almir Ciriković, Zdenko Franjić, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Goran Selak i Nikola Šimić.

Odsutni – Nema.

Predsjedavajući OV podsjetio je prisutne i javnost da Općinsko vijeće Vareš broji 19 (devetnaest) vijećnika, a s obzirom da jedan vijećnik još nije zvanično dobio Uvjerenje-Certifikat od CIK-e, trenutno je prisutno 18 (osamnaest) vijećnika.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, predsjednici političkih stranaka i poslanik u Skupštini ZDK – Fahrudin Brkić.

Na raspravu je stavljen prijedlog dnevnog reda za 2. sjednicu utvrđen na Kolegiju OV.

Nije bilo učesnika u raspravi ni prijedloga za dopunu ili izmjenu dnevnog reda 2. sjednice OV.

Predsjedavajući OV stavio je na izjašnjavaње prijedlog dnevnog reda 2. sjednicu OV i nakon izjašnjavaња konstatuje da je **jednoglasno usvojen s l i j e d e ć i**

Dnevni red

- 1. Prijedlog Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš.**

2. **Nacrt budžeta/proračuna Općine Vareš za 2013. godinu.**
3. **Nacrt Odluke o izvršenju budžeta/proračuna Općine Vareš za 2013. godinu.**
4. **Prijedlog Programa finansiranja komunalnih djelatnosti za 2013. godinu.**
5. **Tekuća pitanja.**

Ad. 1.

(Prijedlog Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš.)

Željko Franjić pomoćnik načelnika za Civilnu zaštitu čestitao je novoizabranim vijećnicima, predsjedniku OV i zamjenici predsjedavajućeg OV na izboru i zaželio ima uspjeh u daljem radu.

Iznio je kratko obrazloženje za ovu tačku dnevnog reda i izvijestio Vijeće o primjedbama i prijedlozima iznesenim prilikom razmatranja nacрта Odluke i u toku sprovedene javne rasprave, i o prijedlozima koji su uvršteni u Prijedlog Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš.

Otvorena je rasprava u kojoj su svoje primjedbe i mišljenja iznijeli vijećnici. Mario Mirčić, Đemo Kevrić i predsjedavajući OV.

Željko Franjić dao je odgovore na postavljena pitanja u raspravi od strane vijećnika Đeme Kevrić, koja se odnose na obavezu donošenja Plana zaštite od požara određenih privrednih subjekata i pravnih lica. O tome je dao i kratko objašnjenje.

Zaključena je rasprava i predsjedavajući OV stavio je na izjašnjavanje Prijedlog Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš.

Nakon izjašnjavanja vijećnika predsjedavajući OV je konstatovao da je sa **18 glasova „ZA“ usvojena**

Odluka o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš.

Ad. 2.

(Nacrt budžeta/proračuna općine Vareš za 2013. godinu.)

S obzirom da u sazivu Vijeća ima novih i mladih vijećnika, predsjedavajući OV, dao je kratku napomenu u vezi Nacrta budžeta i proceduri koja se treba sprovesti kod donošenja Budžeta Općine Vareš za 2013. godinu.

Otvorena je rasprava u kojoj je Općinski načelnik Avdija Kovačević izvijestio Vijeće da je na sjednici Kolegija OV dogovoreno i usaglašeno da se o Nacrtu budžeta/proračuna općine Vareš za 2013. godinu, na današnjoj sjednici vodi rasprava. Podsjetio je i na zakonske procedure koje se

odnose na donošenje budžeta. Dato je i kratko objašnjenje u vezi izrade Nacrta budžeta i pozvao sve da iznesu svoje prijedloge, primjedbe i amandmane na predloženi Nacrt.

U raspravi su iznijeli svoje prijedloge, primjedbe, sugestije i mišljenja vijećnici: Elvir Rožajac, Mario Mirčić, Safeta Muftić, Zdravko Barkić, Boško Andrić, Đemo Kevrić, Brkić Mahira i predsjedavajući OV.

Za riječ se javio Općinski načelnik koji je izjavio da će se svi prijedlozi i sugestije koristiti kod konačne izrade Prijedloga budžeta za fiskalnu 2013. godinu i da je Nacrt budžeta predložen od strane Kolegija organa uprave. Odgovorio je na neke iznesene primjedbe vijećnika u raspravi i upoznao Vijeće da će na narednoj sjednici OV svi vijećnici biti upoznati i sa Zapisnikom o primopredaji dužnosti Općinskog načelnika u kome su navedena sva potraživanja i dugovanja Općine Vareš i da Vijeće nakon razmatranja istog donese zajedničku odluku. Također je Vijeće upoznao o prijedlozima odluka i određenim materijalima o kojima OV treba da raspravlja na narednoj sjednici Vijeća.

Zaključena je rasprava i predsjedavajući OV predložio je slijedeći

Zaključak:

- 1. Utvrđuje se Nacrt proračuna/budžeta Općine Vareš za 2013. godinu,**
- 2. Nacrt proračuna/budžeta Općine Vareš za 2013. godinu iz tačke 1. ovog Zaključka upućuje se na javnu raspravu u trajanju od 15 dana,**
- 3. Zadužuje se Općinski načelnik i Služba za privredu/gospodarstvo i finansije/financije da pripremi i provede javnu raspravu u skladu sa aktima Vijeća,**
- 4. Prijedlozi i sugestije u toku javne rasprave, predlagač će uzeti u razmatranje kod izrade prijedloga akta,**
- 5. Po završenoj javnoj raspravi, predlagač će sačiniti Prijedlog akta i Izvještaj o sprovedenoj raspravi dostaviti Vijeću na razmatranje,**
- 6. Zaključak stupa na snagu danom donošenja.**

Nakon izjašnjavanja vijećnika predsjedavajući OV je konstatovao da je sa **18 glasova „ZA“ usvojen predloženi Zaključak i**

Nacrt budžeta/proračuna Općine Vareš za 2013. godinu.

Ad. 3.

*(Nacrt Odluke o izvršenju
budžeta/proračuna Općine Vareš za 2013. godinu.)*

Predlagač nije imao dodatno objašnjenje za ovu tačku dnevnog reda.

Nije bilo učesnika u raspravi i predsjedavajući OV predložio je slijedeći

Zaključak:

- 1. Utvrđuje se Nacrt Odluke o izvršenju proračuna/budžeta Općine Vareš za 2013. godinu ,**
- 2. Nacrt Odluke iz tačke 1. ovog Zaključka upućuje se na javnu raspravu u trajanju od 15 dana,**

3. **Zadužuje se Općinski načelnik i Služba za privredu/gospodarstvo i finansije/financije da pripremi i provede javnu raspravu u skladu sa aktima Vijeća,**
4. **Prijedlozi i sugestije u toku javne rasprave, predlagač će uzeti u razmatranje kod izrade prijedloga akta,**
5. **Po završenoj javnoj raspravi, predlagač će sačiniti Prijedlog akta i Izvještaj o sprovedenoj raspravi dostaviti Vijeću na razmatranje,**
6. **Zaključak stupa na snagu danom donošenja.**

Nakon izjašnjavanja vijećnika predsjedavajući OV je konstatovao da je sa **18 glasova „ZA“ usvojen predloženi Zaključak i**

*Nacrt Odluke o izvršenju budžeta/proračuna
Općine Vareš za 2013. godinu.*

Ad. 4.

*(Prijedlog Programa finansiranja
komunalnih djelatnosti za 2013. godinu)*

Ermin Musa pomoćnik načelnika za prostorno uređenje i obnovu čestitao je vijećnicima na osvojenim mandatima i zaželio im uspješan rad. Iznio je dodatno objašnjenje za ovu tačku dnevnog reda. Upoznao je Vijeće sa određenim izmjenama koje se trebaju uvrstiti u Prijedlog Programa i tehničkim greškama u tekstu.

Otvorena je rasprava u kojoj su iznijeli svoje primjedbe, prijedloge, sugestije i mišljenja vijećnici: Elvir Rožajac, Nikola Šimić, Đemo Kevrić, Zdravko Barkić, Almir Ciriković, Goran Selak, Mario Mirčić, Ismet Abdulahović, Mahira Brkić, Kenan Kamenjaš i predsjedavajući OV.

Za riječ se javio Ermin Musa pomoćnik načelnika za prostorno uređenje i obnovu koji je dao pojašnjenje za neke iznesene sugestije i primjedbe vijećnika u raspravi. Upoznao je Vijeće o potrebnim procedurama za realizaciju ovog Programa.

U daljoj raspravi su učestvovali vijećnici: Elvir Rožajac, Đemo Kevrić, Mato Pavić, Zdravko Barkić i Mahira Brkić.

Za riječ se javio Općinski načelnik i izjavio da će izneseni prijedlog vijećnika Elvira Rožajac biti uvršten u Program finansiranja komunalnih djelatnosti za 2013. godinu. Prijedlog se odnosi na uvrštenje puteva drugog prioriteta u Program i to: put Ravne-Kosići u dužini od oko 700 m i put Ravne-Borje u dužini od oko 700 m. U vezi iznesenog prijedloga vijećnika Đemo Kevrić izjavio je da će se pristupiti i izradi Programa za ljetno održavanje puteva. Iznio je još neka pojašnjenja i odgovore za prijedloge i pitanja iznesena u raspravi od strane vijećnika. Na kraju je zamolio Vijeće da podrži Program finansiranja i da će se uraditi instrumenti za praćenje ovog Programa i njegovu potpunu implementaciju.

Predsjedavajući OV skrenuo je pažnju na neke prijedloge vijećnika koji se ne mogu odgoditi a koji ne zahtijevaju velika finansijska sredstva, da se pokušaju realizovati, a za neke prijedloge sugerisao je da se pokušaju riješiti u budućnosti.

Predsjedavajući OV predložio je da Vijeće usvoji Prijedlog finansiranja komunalnih djelatnosti za 2013. godinu i da ovlaštenu predlagač uzme u obzir sve iznesene prijedloge u raspravi a oni koji su prioritetni i koji se mogu realizovati, da se pristupi njihovoj realizaciji u okviru finansijskih mogućnosti.

Zaključena je rasprava i predsjedavajući OV stavio je na izjašnjavanje Prijedlog finansiranja komunalnih djelatnosti za 2013. godinu sa svim iznesenim primjedbama i prijedlozima i uvažavanjem Općinskog načelnika da to pokuša riješiti.

Nakon izjašnjavanja vijećnika predsjedavajući OV konstatuje da je sa **18 glasova „ZA“ usvojen**

**Program finansiranja komunalnih
djelatnosti za 2013. godinu.**

Ad. 5.

(Tekuća pitanja)

1. Predsjedavajući OV podsjetio je prisutne da je Općinskom vijeću upućen poziv za organizaciju seminara za općinske vijećnike, kojeg su vijećnici dobili u materijali za današnju sjednicu. **Vijeće je zaključilo da se seminar održi 13.12.2012. godine (ČETVRTAK) sa početkom u 10,00 sati u velikoj sali Općine Vareš.**

Predsjedavajući OV zamolio je sve vijećnike, a posebno vijećnike koji su prvi put izabrani i nisu se ranije upoznali sa aktima Vijeća (Statut Općine Vareš, Poslovnik o radu OV i Etički kodeks ponašanja izabranih dužnosnika) da ih dobro prouče kao bi bili efikasniji u radu OV.

Predsjedavajući OV predložio je slijedeći

Zaključak

S obzirom da je Vijeće danas 29.11.2012. godine, održalo dvije sjednice u istom danu (1. konstituirajuća sjednica OV i 2. sjednica OV), radi uštede finansijskih sredstava, predlažem da naknada za rad vijećnika bude isplaćena kao za jednu sjednicu OV.

Predloženi zaključak stavljen je na izjašnjavanje i nakon izjašnjavanja vijećnika predsjedavajući OV je konstatovao da je sa **18 glasova „ZA“ usvojen predloženi Zaključak.**

2. Predsjedavajući OV zamolio je Općinskog načelnika, s obzirom da predstoje vjerski i državni praznici, da pokuša sa skromnim sredstvima riješiti problem javne rasvjete u pojedinim dijelovima grada.
3. Vijećnik Elvir Rožajac izvijestio je Vijeće o informaciji da JKP d.o.o. Vareš vrši dovoz smeća iz općine Breza na deponiju općine Vareš. U vezi s tim traži od Općinskog načelnika i nadležne službe da se to hitno ispita i riješi spomenuti problem
4. Vijećnik Zdenko Franjić pozdravio je sve prisutne i zaželio uspješan rad predsjedavajućem OV i zamjenici predsjedavajućeg OV. Traži da mu se odgovori na pitanje: „Zašto su stali radovi na izgradnji asfaltiranja puta u MZ Strica“? O tome je dao i kratko obrazloženje.
5. Vijećnik Nikola Šimić upoznao je Općinskog načelnika, vijećnike i sve građane na problem javnog prevoza na području općine Vareš, koji slijedi u tekućem periodu. Skrenuo je pažnju i upozorio mještane, nadležne u Općini Vareš i vijećnike OV Vareš, da slijedi problematika, odnosno sigurno gašenje nekih putnih pravaca koji sigurno nemaju rentabiliteta i nisu rentabilni za prevoznike.
6. Vijećnik Kenan Kamenjaš predložio je da se na narednoj sjednici OV krene sa rješavanjem problematike u vezi provođenja i načina izbora u mjesnim zajednicama. Smatra da je jako bitno to riješiti da se u mjesnim zajednicama odrede i imenuju osobe koje će raditi u službi naroda za dobrobit mjesne zajednice i općine Vareš.

Rusmir Berberović pomoćnik načelnika za društvene djelatnosti i BiZ javio se za riječ i izvijestio da je završena procedura Nacrta Odluke o raspisivanju izbora za članove Savjeta

mjesnih zajednica na području općine Vareš. O Nacrtu odluke je sprovedena i javna rasprava i na narednoj sjednici OV bit će razmatran Prijedlog Odluke.

7. Vijećnica Safeta Muftić predložila je Vijeću prijedlog u vezi javne rasvjete, a to je da se izvrši anketiranje građana općine Vareš sa upitom da li su spremni da participiraju troškove javne rasvjete, odnosno da uz račun za utrošenu el energiju plaćaju dodatna sredstva (npr. u visini 1,00 KM), sa napomenom da ne bude diskriminatorskih odnosa između pojedinih dijelova grada. Podsjetila je da se u nekim općinama kantona javna rasvjeta održava na ovakav način.

Ermin Musa pomoćnik načelnika za prostorno uređenje i obnovu javio se za riječ i dao odgovor na prijedlog-inicijativu iznesenu od vijećnice Safete Muftić, da je komunalnom naknadom određeno finansiranje javne rasvjete.

Na pitanje postavljeno od strane vijećnika Zdenka Franjić dao je odgovor da će nastavak radova na putu Strica – Zaruđe biti nastavljen na proljeće iduće godine. Radovi su obustavljeni zbog vremenskih uvjeta. Od strane Nadzornog organa, izvođač je upoznat da zbog prestanka radova na spomenutom putu, ukoliko dođe do eventualnih šteta, da će te štete biti na trošak izvođača radova a ne Općine Vareš

Sastavni dio ovog Zapisnika je audio zapis sjednice.

Sjednica je završena u 13 sati i 25 minuta.

SEKRETAR

Leon Pavlović

PREDSJEDAVAJUĆI

Zdravko Marošević

ZAPISNIČAR

Azra Ibrahimović